

A Monthly Christian Magazine
An Organ of the Zou Presbyterian Church Synod



Khristian Tangkou

Vol. 51 || No. 1&2

JANUARY & FEBRUARY, 2015

Presbyterian Church, Khuoinuoi
Biehinnkothonna



Editor: REV. TUALZACHIN

If undelivered
Please return to:

The Editor

Khristian Tangkou

ZPCS Office, Zoni Colony

Churachandpur - 795 128

P.O. Box - 48, Manipur, India

e-mail: zpcs@rediffmail.com/zousynod05@gmail.com

To

--	--	--	--	--

Edited and Published by the Editor on behalf of the Zou Presbyterian Church Synod

Khristian Tangkou

Vol. No. 51 || Issue No. 1&2 || Jan & Feb, 2015

Editorial Board

Editor : Rev. Tualzacin - 9862829526
 Joint Editor : Rev. Stephen Chinzathang
 - 9863042789
 ct_stephen@yahoo.com
 Cir. Manager : Upa Jamsianmung - 9862086615
 sianmung@rediffmail.com
 Bus. Manager : Kamgenpau - 8974612937
 Sye T. Ginzahau - 8974438842
 Cont. Editors : Upa S.K. Khama - 9856406454
 Rev. Awnkhankhup - 9862828921
 Rev. M.G. Nehlien - 09535042257
 Rev. Kaimuanlal - 9862923960

ZOU SYNOD ULIENTE

- Moderator:
Rev. P. C. manga
- Moderator Elect:
Rev. Khupkhansuan
- Secretary Sr.:
Upa Ngulchinkham
- Secretary Jr.:
Upa T. C. Pau
- Treasurer:
Upa T. Lamkothawng
- Statistician:
Upa Sianzahau
- Exe. Secretaries:
Rev. Tualzacin
Rev. Stephen Chinzathang

Copies - 1100

AMAN

Kumkhat ah	- ₹	50/-
Post ah	- ₹	100/-
Copy khat ah	- ₹	6.50/-
Life Member Fee	- ₹	1,000/-
Patron Member Fee	- ₹	2,000/-
Memorial gift	- ₹	2,000/-

A sung thu

- Editorial..... 01
- Thu tuomtuom 02
- Reports 04
- Hunluite Mangpan adei hi 07
- Awlmaw Haupa 09
- Silpieh..... 11
- Tunnu Limbel Excursion..... 13
- Khrist suongpi kip tung a.....17
- ZPWF Column 22
- Suunna..... 24

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkothang	12. Upa Dr. M. Lachinkhai
13. Upa Khamchinjam	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. Rev. Retd. V.Vungzalian	20. Rev. Retd. Kamkhosoi
21. Rev. Tualzacin	22. Rev.(Rtd.) H. Nengzaton	23. Rev. Awnkhankhup	24. Rev. Hangpi Manlun
25. Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkothawng
29. Pu Khaichinmang	30. Rev. Chinzathang	31. Pu Khupkhanmang	32. Pu Khaidohlian
33. Hav. Khamzahang	34. Pi Vungzanuam	35. Pu T. Gouzadou	36. Pu Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanhing
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhosam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkholhing
93. Pu Hauliankap	94. Pi Chinnu	95. Pu T. Kuppa	96. (L)Upa T. Gougin
97. Pu Ginsuanhau	98. Pu L. Langminthang	99. Rev. David K.Samte	100.Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taithul	104. Pu Kamkhankap
105. Bhim Prasad	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu Kamgenpau	114. Rev. Mangsuanthang	115. Pu Lamchinhou	116. Upa Pauchinlel
117. Kimneihoi	118. Nh. Niangsuannuam	119. Nu Ngaikhanvung	120. P. Sanjiv Zou

LIFE MEMBER-TE

01. (L) Upa T. Khupkhenpau	02. (L) Pu M. Ginzahau	03. Pu Selzapau
04. Pu L.C. Pautungnung	05. (L) Pi Khamkhanneing	06. Pi Ngainuom
07. Pu Chinsuanthang	08. Pu Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang

Suunna

UPA MANGKHENTHANG ZOU KUM-58



TANCHIN TOMKIM

Phamsa Upa Mangkhenthang Zou
pen (L) Pu Hangzapau leh (L) Pi Chindim te
tapa tahpen ahi. Kum 1958 in Ukhrul District
TOLAW khuo ah ana pieng hi.

Kum 1995 December 22 in aji iit tah Mrs. Hatkhannieng
toh Pasian daan siengthou in ana kinung uhi. Tualeh
Pasian guolzawl na goutan pasal -2 Numei-2 ana nei
uhi. Kum 2012 in Manipur Eastern Presbytery (MEP)
a 46 veina Session khawmpi tha neina toh Tuining
Presbyterian Church ah Moreh W/No.1(MEP) Hattuom
enkawl ding in ordination pieh ahi. Kum bangtan ahiei
a Belamte etkawlna nna asep nua in, mihing te khovel
ikhuol zinna gam a khosa ihi man un natna, satna
huoissetah thuoh in damna ngai in Imphal RIMS Hospital
ah sum leh pai tha leh zung tampi seng in kum 2 sung
vingveng etkawlna ahi nua in dam zoulou in December
22, 2014 niin Imphal Zomi Villa aum Ex-Minister Upa
Hangkhanpau inn ah leitung a ait, angaiteng nuasie in
thupina gam ang jot san tahi. December 23, 2014 niin
aluong ama tenna Moreh ah vuiliemin aum tahi. Ama iit
leh ingai thu tam i Khristian tangkou deithaw huoitah
tungton in iit thu leh i suun thu ipuong uhi.

Editorial

Kumtha chibai

Ahing peipai ding a i lam et jing uh I Mangpa Jesu Khrist min
toh Amasa'n kumtha chibai.

I tenna leitung i et chieng in buoina buoina ngen in ang tuom
kimvel hi. Sil sui miten a suidan un, leitung ah gam/Country
haupen leh mising tam pen, buoina bawl tampen "PANGAL"
te ziehin. ki bomb khum, Airstrike, kitha, kimat, kipuimang,
kigawltan chite bang a thang mama hi. Tuabang ma in itenna
India zong tambang ma a buoina gam ahi hi.

Tualeh ei gam i et chiengin, Khristian innkuon ihi ua, hinanleh
zong Saltanna lienpi toh i innsung uh apum dim tahi. Nupa kal
kituohlouna saltanna, Zu leh sa a saltanna, khamthei guithei a
saltanna ta leh nau thu zawlouna a saltanna, sum leh pai dei
gawnaleh a tanngsate leh ataanglai dingte kisiem phat hun ahi.

(2 Leengte 20:1) Mangpan Leng Hezekia kungah dam zou
nawnlou ding nahi "Na inn sung um ding dan siemtup in" ana
chi hi. Leng Hezekiah in tam thu a zah in Mangpa kungah a thum
a, na mai ah gin umtah leh lungtang hoi bukim a ka gam tat dan
leh na mit mu a sil hoi ka bawl zel dan thei zing in chiin athum hi.

Tambang a hasatna, natuohsate leh atuoh tou zel lai dingte a
dingin Hezekia kunga thu kigen innsung siemtup poimaw hina e,
ichi hi. I siemtup ding idinmun zil in a um chiet ngei ding hi. Leng
Hezekiah mabang a nu leh pa ten siemtup a Pasian chou ngam
ding khop a panla lehang Jerusalem kul bang sia sa Nehemiah
in atun kia bang in, i innsung, i Hattuom, i khotaang uh kum tha
ah tung ding kia dingin simtu zousie i kingen uhi.

THU TUOMTUOM

leh Thumpi dingte:

- 1) Kum leh haa te hing kiheng lamdang zelin guozut daai kai hun, kholum khovot hun damthei hun, damtheilou hunte thuoh galkai in Pasian hoina leh kepbitna zal in kumtha, haa tha leh nitha te hing musaktu Mangpa min iphat masa uhi. Bangteng hileh kumtha meel imu uh toh kiton in Pasian nna sepna lam chinteng ah pan latha dingin Hattuum chin ikingen uhi.
- 2) Lenlai taan: Apeisa January 16-18 sung in Zomi Colony Presbyterian Church te zintunna in Zou Synod Campus ah ZPYF 58th General Conference kijang zouta Pasian thu leh laa a kipawlkhawmna nuom mama in ki liim thei mama hi. Pasian hagau pawlna tang kawm in Hall leetzen in mipi kideh zou lou in atouna mun chiet uah pum laam mai uhi. A mangkha loute lenlai taan. Tualeh kiginni sun hun ah Business session leh thu leh laa kidemna um a, ZPYF Office bearer thate tam anei a bang ahi.

Office Bearer 2015-2016

1. Leader : Rev. Khamminlien (Synod pieh)
2. Asst. Leader : Upa Mangkhanlien (Lentaang District)
3. Secretary : Mr. Lalkhawm (Central District)
4. Asst. Secretary : Mr. Suonminthang (Lamka District)
5. Finance Secretary : Mr. Hauzalien (Gunpang District)
6. Treasurer : Nh. Chiinhoikim (Central District)

Tualeh ZPYF kumpuon “Khanglai Khrist a kilamdangna” chi ahi.

18. LCC V. Bethel X-Mas gift	Rs. 1000
19. PWF Hiangtam (B) X-Mas gift	Rs. 1000
20. PWF Lailamveng X-Mas gift	Rs. 1432
21. Upa Khuplam, X-Mas gift	Rs. 210
22. Pa Hangmuonthang, Central Church	Rs. 500
23. K.W.U. Tuilaphai	Rs. 310
24. Paungainiang, Muallum	Rs. 500
25. PWF Sabual X-Mas gift	Rs. 1400
26. PWF/LCC Shillong	Rs. 3000
27. PWF/LCC S. Vengnuam	Rs. 644
28. PWF Singngat X-Mas gift	Rs. 1500
29. Nu Chinglunniang	Rs. 100
30. Nu Dimhoiching, LDCC Hiangzou	Rs. 100
31. PWF Awnchinkhap khuo	Rs. 250
32. Hoipi, Tuibuang November - January	Rs. 2100
33. PWF Tuilaphai	Rs. 1000
34. PWF Daijang X-Mas gift	Rs. 350
35. T. Tangnuam Anntang	Kgs 50
36. Awnchinkap Anntang Kgs 49 leh akim	Rs. 250
37. Gouchinkhap, Nungshai	Malta tunkhat
38. Pa Ginjapau, Aina	Malta tunkhat
39. Upa Awnkholal, Aina	Malta tunkhat
40. Tuibuang PWF Anntang	Kgs 68
41. Lailam Veng PWF Anntang	Kgs 125
42. Upa Liansuanpau	Rs. 100
43. Manniang khuo PWFAnntang	Kgs 17
Rs. 60/- Puonsil (9) kengkoh khat	
44. Nu Lianniang, Hiangdung	Petrol 1 Litre
45. Aina PWF Anntang	Kgs 50
Maipum (2), Bal Kgs (2) Malta tun (1)	
46. Munirka Prayer cell Delhi	: Bakerrynehtheibox
khat, Moreh nethei packet lian khat, Laddoo nethei Kg (1) Apple Kg-3	
leh Rs. 150	
47. Nh. Suanching Delhi apat puon kimute	
Sweater-4, Pants (Toka)-6, Slack-1, Skirt(long)-2, Frock-4, Shrug-1,	
Shirt-3, T.Shirt-8, Muflar-3, Suit-1piece, Small gift park-1 piece	

ZPWF Column

Zou Synod nuoi a ZPWF et etkawlina in Tuun liimbel Warden tha dingin Mrs. Dimkhochiin w/o Retd. Rev. Kamkhosoi kila tha hi. Ann huon (Cook) pen aluinu ma Mrs. Chiinkhonieng w/o (L) Nungliethang of Hiengdung ma namdet ahi.

7) Tuunnu Liimbel a naupang kilatha te tam anei a bang ahi uhi.

- 1) Nuomneikim d/o L. Nengsuonlian of Buhsau
- 2) Hangkhansiem s/o (L) Letkhotang of Mission Veng
- 3) Mangmuonlal s/o (L) Kapkhanhau of Tangpijol
- 4) M. Paulienhau s/o M. Zamkhanlam of PN. Khovong

NB: Mi (4) li kila ding lah ah Candidate mi 5(nga) apha hi. Khat pen kum 8 (giet) tunglam mi ahiban ah innsung hasa seng ahi ziehin ama school kaina class - VI a simna Result pen 1st Division Rank 4th ahi ziehin Home based in akibawl pieh a adang mi (4) li te akila tahi. Amauhte leh akemtute ading chidamna, hitheina, naupangte itna leh deisahna ngetpieh vaui.

3rd December 2014 - 29th January 2015 tan a Tuunnu Liimbel a panpina pete tam anei a bang ahi.

1. PWF Sugnu Christmas gift	Rs.	1000
2. PWF Sugnu Anntang tang	Rs.	600
3. PWF Sangaikot Anntang tang	Rs.	500
4. PWF Zomi Colony Christmas gift	Rs.	1500
5. Nu Manzachin, Tangpijol X-Mas gift	Rs.	500
6. Nu Nouhauching, Tangpijol X-Mas gift	Rs.	500
7. PWF Teisajang Anntang tang apia	Rs.	640
8. Mrs. Flora Hatnu, U.K	Rs.	33000
9. P. Church Talnuam	Rs.	500
10. P. Church Maukot X-Mas gift	Rs.	500
11. PWF S. Muvanlai X-Mas gift	Rs.	1000
12. Paukhankhup, Malaysia X-Mas gift	Rs.	2000
13. Zou Synod khawmpi tholawm	Rs.	5866
14. LCC/PWF Hiangdung X-Mas gift	Rs.	500
15. PWF Behiangjang X-Mas gift	Rs.	1000
16. LCC Manniangkhuo	Rs.	60
17. Munirka Prayer Delhi	Rs.	150

3) Thumna toh kisa khawl in! Ahing tung ding February 13-15, 2015 sung in Presbyterian Church Zomi Colony zintunna nuoi ah Zou Synod huop a a 9veina Missionary Khawmpi um ding ahia, tahsa hagau a lawh taha man ahitheina dingin mimal leh Hattuum chin in thumpi chiet vaui.

4) Zou Synod vaihawmna thu phasa umsa bang in Mangjing Mission Field a Asst. Teacher nna sem ding in Nh. Chiinhoikim d/o Upa Ngulchinkham of Zomi Colony Presbyterian Church interview neisah ahi nuo in lah ahi. Amanu pen B.A ana zousa ahi. Ama ban ding Hattuum chin in thumsah vaui. Naupangte laha tahsa, hagau a ang gasuo theina dingin.

5) Thum in! Kisa khawl in! Tel in!

Pasian umpina leh hagau pawlna tangkawm in ahingtung ding March 20-23 tan dai dingin Zou Presbyterian Women Fellowship (ZPWF) Kumtawp khawmpi Presbyterian Church Tuibuong ah um ding ahia, tahsa leh Hagau a loh taha man ahi theina dingin Hattuum leh mimal chin in ana thumpi chiet vaui. Khawmpi thupi "Akhut migenthei te lam ah ajah hi" (Thupilte 31:20).

Thugen dingte:

- i) Revd. Tualzachin Sr. Executive Secretary (ZPCS)
- ii) Mrs. Vahkhohling
- iii) Mrs. Chingneikim

6) Zou Synod 11th Session vaihawmna thuphasah umsa bangin Office Peon ana hisa Sye Kamchinthang pen February 01, 2015 apat in Evangelist nna sem a Zou Synod gam buppi tuon dingin release order suohta hi. Ama pen thugen theina talent nei mi ahi. Ama leh a innsung mite a dingin chidamna leh lamzannate ngetpieh vaui. Mangpa'n ama leh a innsung mite guoljawl taken.

- 7) **Pilvang huoi:** Tulai Churachandpur District Hospital DOG BITE CELL ah tuni tan in Anti-Rabies Vaccine kikap sah mihing 4787 bang phatou tahi. Pilvang huoi mama hi.
-

Reports:

MANGJING MISSION FIELD VEHNA

Apeisa Dt. 06 December 2014 (kiginni) a Lamka Distrcit, PWF ten Mangjing Mission Field vehna hing nei in, Jingmawng matah ah Pasian thugenna leh silpieh (Christmas gift) innsuon a Blanket khat chiet tutung phalbi douna ding a ang pieh natung uoh Hattuumten ka kipahna thu uh i Khristian Tangkou tungtawn in ka hing phuong uhi. Pasian in aletampi a panpi ngaite panpi thei dingin districtte hing guoljawl taken.

Report tu:

M. Ginsuonthang

Headmaster

Mangjing Mission Field

PASPATI MISSION FIELD VENA REPORT 2015

Pasian hoina leh umpite tang kawm in Apeisa 27th December 2014 niin Presbyterian Youth Fellowship (PYF), Zomi Colony te pan lahna toh Paspati Mission Field vehna (visit) va kinei hi. Amaute toh thu leh laa a kipawl khawmna hun te vaki zahpi in ki liim thei mama hi. Khanglaite apat phatna lapawl va ki present thei hi. Tualeh hun peisa PYF min a competition tuomtuom a Prize kilate Paspati Mission Field te pieh khietna toh hun kijang hi. Tami Mission Field vehna tungtawn sum leh pai, suhpei, toupei, gari bahara leh neh leh dawn

Unau Chin ten ‘A ngakzou ten thupha ngah’ chi uhi. Na tup leh naduthusam sanga hoi jaw hing pethei hi. Mikhenkhat lah sil leh ten, sil tuom², bike leh car tetoh mawh lungkham. Kumpi Solomon ha chei a akichei vanga papete hoina phazoulou kichi hi. Jehovahjireh- Mangpa’n ang guon nading hi. Mangpa’n a iitte khu lum nan uleh zong nei-le-lam aguon veve hi, Amen!

7. *Migensiet, Mitunga Thukhen.*

Kigensietna khu a uang mama a, ei khristiante tata akukal pen in ipang hi. Tam pen sildihlou vawt, Pasian deilou leh sil susetu hijo hi. Lamkaite leh seppite gensiet chivel I talent uh hileh kilawm. Numei kichei dan dihlou, umdan hoilou khamthei bolte gensia a thethe kisa ilemlieh dilah umlou. Jesun kizuanu suanga selia dia umsa vahundoh hi. Mi hoilouna kimusiem leh kitepte tinten

mawh, ei lah ahi dandan a. Bangdinga nangma mit a singtum um ngaitua lou a na unaupa mit a nin neng neunou um thei nahiei? Nangma mit apat singtum khu ladoh masa in. Mi monading suilou a eima chitlounate kitheisiem khu pilna ahi. Hinkhuo peidan ahi chi hi: mi genselou a, mi sietnading ibawllou pouleh ei ading in lam akihong jel hi.

Khrist a kibulphuna dettah neiten tam thuhilte thei a izui ding uh ahi. Tua hileh bangchilaipou in lunghimo nading a umsih hi. Foundation Jesu Khrist a akip zieh in bangman ang suse zou sih ding hi. Bangkim a bangkim, apoimaw pen leh kipahna thuguh Khrist ahi chi ithei ngal a. Kumtawn hinna Khrist ah aum hi.

Lamet dang bangma nei vawtsing, Jesu leh a hoina loungal;
A hoipen zong ken muongzou la’ng,
Jesu min bou ka gingta hi.

KHRIST SUONGPI KIP TUNGAH
KADING,
MUNDANG PIEUNEL TUM THEINA
HI (2)

.....

Tualeh, silhoi ibawl lezong aguh a bawl ding, aguh, adap ma a thumna neiding chi ahita hi. Silpieh ibawlte minphat na a bawl ikihah leh ibawlkhiel khading hi. Mi theidan maimai a hagaumi, Pasian thu hat, lah atah a hivotlou chite khu ei leh ei kihem kihi leltah ahi. Anngawl nahi min athei sese ngailou hi, akitheidohlou nadinga hal leh tai meel napuoh ding ahi. Khristiante leitung vah ihi, ivah nahleh min angmu thou ding hi, vaki lah utsengna lam in mei vah lai amit thei hi.

5. *Van Ah Gou Khol.*

Mihausatampi ten gamsung a bank umte mai hitalou in foreign Swiss Bank chivel ah agou uh akhol uhi. Khristiante adingin vang bank hoipen leh bitpen khu 'Heaven's Bank' ahilouleh 'Bank of God'. Tami bank a sum leh gou nakhol tam laisia nalung amuong deudeu ding hi. Van ah, nget leh sam-eeh in anehsiet louna leh, gutaten aphevang ua, aguh louna uah gou kikholzaw un.

Dihloutah a sum bollou ding ahi. Tou lou ding a sawt dai tuanlou ding ahi aziehpén Pasian deidan hilou hi. "Lepchiete lawdoh ann mihing adingin atuisse a, hinanleh anuachiengin akam ah suonghum adim ding hi" (Thupil 20:17). Dihloutah a hausatna nga mi khu, ama tui loupi op keu mengkeng bang ahi, adamsung nite ngeiin tua hausatna in anuasie dinga atawp ah mi maw ahi ding hi (Jere 17:11). Unau na hausatna adihlou leh amangthang veve ding a sehnal tunga inn lampa nahiding hi.

6. *Pasian Na Muongngam Ding Hi.*

Mihingte ilungkhamna khu bang nehding bang silding ahi tangpi hi. Guotang a umlou ding, anngawl a umlou ding thei nasa a moh lungkham. Lungkham sangin sui in semlei bailam zoding hi. Inn leh lou, gam leh muol neilou nanlei lungkham ding hilou hi, Mangpa'n hing guon veve ding hi ama programe ngahzou photlei.

tan a hing panpité kung ah Pasian min in i lungdam thu igen uhi. Mangpa'n amauh te innsung khosahna, damtheina, sumnu, sumpa lamtheina a letam sem in guoljawl chiet taken! Lungdam ung.

Report petu;

Keima Miss. Chingmuonkim
Secretary (PYF) Zomi Colony

**MISSION'S ASSAM FMPB TUNGTAWN A
ASSAM FIELD VEHNA - 2015**

By: Jicobeth CH Sangma & Heloish.

Khantanhoi vaah in Arunachal Pradesh hing tungta hi. Arunachal Pradesh state sungah Khantanhoi thupha gen leh puonzah ahi. Tam state sung ah Khantanhoi gen suoh ahi theina dingin Missionary te athum thum mai uhi. Pasian in Missionaryte thumnate hing dawng in PAYIRIM khuo ah Khantanhoi gen ding Mangpa'n gingtute a sawl lotta hi. Akhomiten Khantanhoi zala kalsuon tute ana kipahpi mama uhi. Mangpan thupina, Lalnate tang taken. Amabou Pasian min a a kalsuonna ding uh Hattuum leh mimal chin in ana thumsah vaui.

CHHATISGARSH

By: Budekhar:

Chhatisgarsh Mission Field vehna a siltung lamdang Report:

Nuazuite thumna in leitung pumpi peidante a heng lamdang hi. Maduvathal khuo a teng Roberti Chauhan pen Zu ngolvei mi khat ahi. Niteng in Zugim nam gige mai hi. Ahinkhuo mandan buoi huoi mama hi. Nikhat Zu dawn tamseng ahiman in khopholou (Unconscious) in umta hi. A kemtuten shita (dead) ahi chi a kheikhiet chieng un anu leh apaten vuikhiet mai ding in Siempute/Pastorte chiel uhi. Gingtute lah

ah khat in tambang siltungte a houtute uh theisah hi. Tuachiin minute 30 sung thumna ahing neita uhi. Pasion in Missionary te thu ngetna te a huntah ah hing dawng in Pasion sil bawltheina lamdangtah mai in mishi pen suh hing in ang umkia tahi. Pasion silbawltheina pen zawm touzel in a innkuon sung ua pat mi 5 (nga) ten Jesu Khrist a mang leh a hundampa dingin pawmta uhi. Tuamai hilou in pienthana, hundamna ngalaw uhi. Mangpa'n thupina tang taken.

MAHARASTRA:

Karuha Mahindram leh Pushpam

Khantanhoi gentute kalsuon kilawm valien me izaw!

Nangandas khuo ah a (1) veina in Vocational Bible School (VBS) kineipi hi. Pasal leh Numei naupang mi 35 sanga tamzaw tel thei uhi. Tami Camp alawching mama hi. Ani thum niin tam naupang 35 ten hundamna tang uhi. Tami Khantanhoi thupha pen pienthana tang naupang ten, anu leh apate uh kunga gensawn dingin hanchiem chiet uhi. Tam bang khoneu nou khat pen tanchinpha ziehin tawisangin umta hi.

SAWM-A-KHAT PIEHDAN - 2014 SUHDIHNA (CORRIGENDRUM)

No.	Min	Khuo	Adihlou	Adih
1.	Upa Thangginsuon	Lailamveng	10,500	1,38,848
2.	Upa Enkothang	N. Khaukual	10,730	32,289
3.	Pa Kamkhankhuol	Kanaan Veng	9,161	1,976
4.	Pa T. Khamlunmang	Tribal Colony	17,000	24,000
5.	Nu Niengkhonei	Aina	4,435	14,435
6.	Tv. Kapkhanmang	Muollum	6,700	8,200

NB: Suhkhiel aum nalai leh ngaidam

Sd/- Office Assistant

Zou Synod

kipat a piengkhe ahisih a, Pasion silthawnpieh ahi zaw hi.(Eph 2:8)

2. Sienthoua Hinkhuo.

Nidang lai a mite kunga, ang na kawm ding uh ahisih ana kichi hi. Tun vang, pasal khat in numei khat mawpi utna toh a et leh alungsim ah amanu toh ang akawm zouta hi. Natahsa mun khat zieh a na khiel sangin kheidoh in, paidoh in chi ahita hi. Tahsapumpi meivah khu mit ahi, tuaziehin na mit ahoi leh na tahsapumpi vahin adim ding a, asietleh amielsieng ding hi. Lungsim a siengthoute ahampha uh, Pasion mu ding ahi zieh un. Khantanhoi in lungsim leh tahsa sienthoua a gen uong mama a, nidang sanga thupieh akhau zawh dan ensah hi. Siengthoutah a hinkhuo mang pa khu a guolzou ding hi aziehpem ama Khrist a kibulphu ahiman in.

3. Melmate iit Ding.

Jesu'n, 'Na melmate iit inlen, nou hing bolsete thungetpieh un,' chi hi.

Thupiehte lah a hahpen khat ahi. Nidangin pen midang muda thei nava; Khrist in melmate nangawn iit ding in ang thupiehta hi. Mudatuom, simmaw, gawttuom paituom neilou ding a hinkhuo manding ahita hi. Khristian hinkhuo khu aphot a phat tho, ahoi a hoi tho ngai hi. Pasion ahoi bang a hoiding a thupieh ihi. I khelnate Pasion in ang ngaidam nadinga enzong itung a khielte ingaidam ding ahi chi Mangbiehna ah izil hi. Pheta langkhat akibehleh alangkhat dawding a thuhil ihi uhi. Tehpi gilou, mou kiphasah, kitomhat pa, thumanglou tanu, tapa ichite khu Khristian dan toh kituahlou anahi hi. Khrist suongpi kip a nadin chieng in na melmate na iit ding hi.

4. Mikiphat, Mikipoh, Michapou.

Jesu nanei ni apat mi kiniemkheh leh thunuoilut nahita hi. Lungnemte ahampha uhi, leigou luo ding ahizieh un. Dawzouna hinkhuo khu eimiten itahsap mama khat ahi.

tung a inlam pa mipil ahi chi Jesu'n atahlang hi. Tulai innsawng sangte kilam masang in foundation thuh pi in akilai masa hi. Gurgaon khopi a building te kilamnading in foundation innsong 4 leh 5 toh kibang basement kilai in kilam masa hi. Japan ah a buildingte uh zilling in a suhsietlou nading in foundation ah spring kithuo hi. Innhoi pipi a foundation thuhlou leh kiplou in lamlei pilhuoilou a phatuomlou ding hi. Tumsing azung adet zieh in huipi in amut chieng in tuol phietkha jen in awn a hinanleh sing dang bang a puo selou in angdingtang tha jel a masang sang a det deudeu kichi hi.

Khristian hinkhuo ah zong na foundation a kip ngai tham hi. Tuachilouin tomkhat thanuom thithe vachin sotlou in mut chimit in na umjel ding hi. Thouzounonlou khop leh huoisie tah in na puasiasa ding hi. Tami foundation khu sildang ahisia Jesu Krist ahi. Khrist suongpi kip khu ahi.

Tami "Muoltung A Jesu Thugen" gingtuten simsuoh tei ding ahi. Tamna Krist thuhilte izui leh bou Ama a kibilphu ihiding a mipil suongtunga a innlamp a leh nu ihiding hi. Tuachilou in mimo sehneltung a innlam isuoh ding a huipi guopi douzoulou in ium khading hi.

Thuhil tampi lah ah poimo leh tahlat a umdeu teng genkhawm vai:

1. *Dan Zuibukim Ding.*

Jesu'n Dan subei ding a hingpei kahisih a asubukim ding a hingpei kahizaw chi hi. Jesu ei adia hing shita daan zui ngainawnlou ichi khameithehi hi. Khrist apat thupieh zui ding a nuom zo ahilaizang sia hahsa zaw a lungsim teng toh kipumpieh ngaita hi. Khristian ten Daan te subei ihilaizang sia izui bukim zaw uh ahi. Pasian iitna khu bawltawm thei ahisia lungtang toh ittna tah ahita zaw hi.

"Aziehpen kahing hil ahi, na dihtatna un laigiel mite leh Pharisaita dihtatna akhup sih leh vangam ah nalut sih ding uhi". Pharisaita dihtatna khupkhel thei nading lampi dang umlou hi Jesu Khrist mang leh hundampa a pom lou ngal. Aman cross tungah azou ta a asubukim(accomplish) zou tahi. Ama 'hepina' ziah in Dan kichikhu izui bukim zota hi. Hepina zieh a ginna a hundam na hi uhi, tua zong nouma a

Sermon

HUNLUI TE MANGPAN ADEI HI

(God requested that which is past)

- Upa Khupsuonkham

"Tuilaitah a sil umte khu ana um zousa ahia, ahing um dingte zong ana um zousa ahita hi. Tualeh Pasian in ana umzousate a suidoh hi" (Thugenpa 3:15)

Thumapui: kum 2015 kumbul lam a idin theitah man in ang vengbittu I Mangpa Jesu Khrist leh pa Pasian kungah lungdam thu itut masa uhi aleh kumlui thu leh hun hing umkia ding tungtang saulou houlim va ui.

1. Hunlui umzie: Hunlui kichi umzie khu hun beimangsa leh hun muolliemsa china ahi. Hun luite pen nuohat kia thei guol ahisih hi. Tuajiehin hun luite khu hun nop ichi leng uh, mishite mi nunnem te leh miphattuom ngaite a shi nuo chiengua zong ki it deuse hi. I pi ipute un zong hun luite ana khela mama uh chia alaphuohte ua kipat in ithei thei uhi. Hunlui chipen i Bible taangtup ua kipat in hunlui pen Pasian in adei hi. Tua ahi jiehin hunlui pen 'Tu' (now) ahi chi

II Kor. 6:2-3 imu uhi. Tuajiehin hunlui ichipen "tu hun" ahi chi imanghil lou ding uh silkhat ahi. I Bible in "hun beisa" deipen "hunlui" ichijaw ua, ajiehpen a khiehna kibang ahi manin, Pasian in hunlui adei hi chi thei in.

2. Hunlui poimaw dante: Bang dinga Pasian in hunluite adei ahei chi na ngaisut ngai ei? A jiehpén hunlui ichipen mihing khat hinkhuo a dinga poimaw pen ahi. Pasian in na deithu a na hing geel siem jiehpén leh na hoi sep jieha nuomman ang pieh ding ahisih a, ama nna nasep sah zou chienga ang pieh ding ahibou hi. Laisimte zong atup uh leh adawi uh ahoi jieha nasep ding (Khaam) amu ding uh hilou in azil zou ua kipata asemhoi ten amuding uh ahizaw hi. Ginna lam ah

zong tuabangma ahi. I hunluite i nasep dan dan in Mangpan adei a, ajiehpén hun hing tung ding pen aum nailou, hunlui pen ang umkia ding ahi. Tualeh i hunluite pen i shi nuachienga ang henemtu ding ahi. I shi chienga maitai tah a nuimeel pokawm a um theite pen a khangdawng hilai hun a ahun hoitah a na mang hoite ahi uhi. Ajiehpén ishi kuon chienga Pasian in ilungsim sung ah ka ta deitah “nangin na hun luite kei a dingin na sem hoi a, bangkim a nana man hoi jiehin chin thu agen ding hi. Hinanleh ahunluite namanghoi loute khu a shi kuon chiengin Mangpa’n nangpen na hunluite zong ka dei bang a na kizahna a um lou jiehin khoh kasa a, nang banga hunluite na mang hoilou te dingin ka kungah ‘hun’ umlou hi ang chi san giap ding hi. Tuajiehin hichi banga shina tuohte khun lungkham mangbatna te isim khaleng uhi. Tam mite jiehin Pasian in i hunluite adei hi. Mihing damsunga hun man dih a poimaw jiehin Pasian in na ‘hunluite’ a dei chi thei inlen kiman siem in.

3. Hun luite man dih ding dan: Tualeh hunlui lah nuohat kia theilou chimawh hai a, ihun luite bangchi jah dih thei ding la? Hinanleh i gensa mabangin “hun lui” pen “tu hun” ahi. Tuajiehin TU HUN khu izah dih leh i hunluite zang dih isuoh ding uhi. Ajiehpén “tuhun” ichipén hunlui ana himai zelzel hi. I pien akipat a i tuhun dong pen Seken (Second) ging kelkel in, alui a lui, achi hidin ngaisut in. I hunluite ikhelinate jiehin hitui naptui toh ithum thu ua, kisia tahtah a, i thum nahpou uleh Mangpa’n hing ngaidam ding hi. Tuajiehin ihunluite dihluu taha zong sah himaithei ihia, hinanlehzong tunia kipatin i “tuhun” pen mandih tum tavai. Bang jiehin e ichi leh Pasianin na hunluite adei jieh ahi.

Thusimkhumna: Unau deitah te vaw, hun sawtpi leitung ah damlou maithei ihia, ihunluite kingaisuttha kia a, mandihna ding i ngaituo ding ua, sawltah Paul mabang in guoljawlna nuomman in ei ngah zing (II Tim. 4:7) na ah agen hi. Sawltah Paul banga hinkhuo tha leh

chienga sep ding - a guoltuohte uh ahun bang a aseph zieh in, mihausa suoh uhi. Laisiem tahtah ten zong mi theiphah a suohna ding un, ahun dihtah ana zah hoi zieh un tuin, mithupi, miminthang guoltungtuongte suoh uhi. “Nite ahoi lou zieh in na hun neisun uh zang hoi un” a chi khu thu poimaw ahi. Tam khu Khantawn/vangam a ding ahi sih

a, tam leitung damsung a ding ahi hi. Tualeh Vangam dingin zong, na hun zah dan leh na umdan apat in sim ahiding hi. Tuaziehin nang kumtha na maituo na ding ah bang lam pen e, na siem dih ding na kibawlthana ding a um ngei ding hi. Na hun zah dan enpha kia dingin Mangp’an simtu zousie hing guoljawl taken.

KHRIST SUONGPI KIP

By: Thanginlien, Taithul

K hantanhoi Mathiu lai-at isim leh Jesu Khrist ang pien, ang pichin leh anasep tualeh cross a khetbeh a aum leh athokiana tan muthei in um hi. Bung 3 tan ah apienna thu leh baptisma atanna tanpha atahlang a, bung 4 na ah nasep kipanta hi. Galili gam ah nasep ang pan a; tuana patsan Dekapolis, Jerusalem, Judia leh Jordan gamte ah nasem in mi tampiin zui uh chi’n akigiel hi.

Bung 5 na ah Muol Tung a Athugen kipan hi. Mipi tamseng ahiding a, muol tungah apeitou a tuanah thuhilna anei hi. Thu tampi agen a, athugenteng bung 7 natan ahuop hi. Tamna athugente ahileh agilthei mama a, theisiemha zong a um a, lahdan tuomtuom inzong ila uhi. Hinanleh, a thugen zozai teng tamchin thusitna nei hi:

“Tuaziehin mi koipou tam ka thugente za a zui pouma mipil suongpi tunga inn lam toh katekah ding hi. Guo ahingzu a, tui ahing khang a, huipi ahing laang a, tuo inn khu ahing muut vapual a, hinanleh apua sih hi, suongpi tunga lamdet ahi zieh in.” Mathiu 7:24,25.

Foundation det nading a suong

umthu imu uhi. Maitam ching a ihmu khahna pen hun kem zoulou ahi. I gam ah a theipen hikei lehang zong Govt. Office thupi deute, sepna hoideute leh company lien deu ten, ahun bang chet a asepena mun tung thei asiemna in a chit ban ah a deipen uhi. School/College ten zong, tun hun top hun fix ahia, ahun a tungloute explanation call a mu uhi. Eigam ah sum leh pai a corruption aki hagen mama lai in, hun ah i thei loukal un corruption ana hat mama hi. Bieh inn kaihun bang committee hun bang a hun atung ngai sawm lou chite Office hiin, mi nuoi a sem hiin, bang teng ah ahun ahun a punctuol poimaw hi. Mizoram Presbyterian te bang a gampumpi uah, Biehinn kaihun kibang chiet a, ahun ma a pan chiet thei uh chi uhi. Etton/zuitah mama uhi.

Tualeh nikhat in, naikal 24 sung hun na nei a, bang chiin na zang ei, Pasian toh kipawl hun thohun, luphun, ihmud hun, anneh hun, kisuhsiang hun teng genkhalou in, nikhat in nasepna hun in naikal 5-8 kikal mawngmawng laisimna/silphatuom sepna in

neita le chin, lawchinna in - ang zui ngei dingin gintat huoi isa hi. Vannuoi a, siltup chinteng in hun khat nei chiet ahiman in na hun bang chiin na zang ei?

Hun pen, hinna, Life ahia, na zahdih loute lakia thei lou ding nahi, Sum leh vaan te amang thei a, akah tum thei ahia, hun khat a mukia atun ding kia thei ahi. Hun pen anaikal, ani, aha, akum a, na hinna tawh zaw tou zinzen a hatkia thei ding jong hilou ahi. Hun na zahdihlou leh na hinna, na umdan, character, life zong zangkhiel suoh pai nahi hi.

Tuabang hilou a, zuneahna, gambling kimawlna mawhvahna, khamthei - guithe bawlna na zah leh vang ang siemtu/hunneitu/bawlpa sim mawna hiding hi. Bible a hunjang dihte enlehang Joshuo galdou lai a, hunjang dih - Jerikou kulpi suhchimtu/ding, nikhat khatvei, ni sagini a, sagi vei vel a Jerikou kulpi chimmai ahi. Gibeon gaaldou lai a, ahun chet a, Pasian hun pieh dungzui a lei bel khenke te bang ahunzah dih zieh ua, gaal zou hi uhi. Khovel a mihausaten, tuni, zing

lungmuonna thuguh thupitahte inei theina dingun kum 2015 akipat in iki siemtha ua, ihun neisunte nou ikiman hoi chiet

dingin ikichiel uhi (Eph. 5:16) Mangpa'n athu guoljawl taken, Amen.

“Awl maw haupa”

- Upa Chinzasun

Hiangtamjang P/Church

Tam leitung hindan a umlou in Pasian deilam hoi leh pomtah leh hoi bukim banga hei chi na thei chien na ding un, na lungsim uh atha a um in hing lamdang zaw ta un. Pu Obama in America tha bawl ding achileh U.S.A President ching hieu hi. Tulai khangtha ten atha kidei, lamdan ki ut, masang lai in zu toh sa toh iki mawl ua, tun Mobile Phone toh ikimawla uhi. Tuajiehin silluite paimang ding, atha tha lah lut ding, tua khu khantouna kichi ahi. \

Ningkum MGP khawmpi in Synod min hending thu a hing lut a, pawl khatten angai nuom hetsih uhi. Ang podohten bang ngaidan nei ahiei? chi angaituo phasih uhi. I mudan kibanglou ahi chiengin SA-IH deu hing ngai ding ahi. Sumkuong chieng kei a ikei det ding uh hikhollou ding ahi. Lushai Hill khu State ahing hiding kuon in pawl khatten Lushai Ram chi ding a ut mama lai un, Houtu pilvang mama khat in Lushai hill ah Lushai

chau kan chenglou kan zavai a tan Mizoram kan ti don ani achi dai hi. Tua mabangin Zou Synod jong zoute chauh umsaah kisom lou a huop zou dingin ZOGAM SYNOD kideita chi phot lei maw? Kum 800 peita laiin Khantanhoi vaah in khovel a tanvah na thu Laa khat ana um a, simzin khu athengta, eidin khuo hing vahta, Gam kilawm hing tungta. Tang kilawm hing langta ana chi hi. Tuami phoh kawm in Zougam kilangsah in, Zoutaang, Lentaang

kilangsah lei hun hitalou maw? Synod min guoh hending hi khoplou in MGP, MEP bangzong heng thei nalai ulei hing hoi mama kha ding hi. MGP pen Lentaang Presbytery chiin MEP pen Gundung Presbytery chita lei maw? thamlou in Assembly a i min dih pen zong thei talei a ut huoi mama ta hi. Houtupa Rev. Hangpi in eiloi in min ihau uhi. Mizo lam ten Press pou, Synod pawl pou achi ua, Unau Burma lam ah Battery achi uhi, achi lai un, eiloi bang kichi ihi uoi? athei ha hi.

Tuajiehin imin dih tah uh Presbyterian Church of India (PCI) khu mina zang in PCI kichi lei bang e? ang daal? Tua hileh kop leh kai gawm sieng hizaw lou maw? A ut lou pou ium leh

vang Abram in guoljawlna atan theina dingin Abraham hisah angai a, Jacob in guoljawl a tan theina dingin Israel hisah a ngai hi. Churachandpur in guoljawlna atan theina dingin Lamka hisah angai hi. India khopi in guoljawlna atan theina ding a min kiheng zungzung mai ahi chi thei vau. I laisienthou sim un “khovel daan bangin umsih unlen, Pasian deilam ahoi leh pomtah hidingin a THA in hing LAMDANG zawta un; achi hi. Tua khu Sa leh Hagau a khantouna, pienthana hing suohin, hing kilamdang sah ding ahi. Simzin khu i hengta, eidin khuo hing vahta. Gam kilawm hing langta, muol kilawm hing langta, simtu zousie Pasian in theisiemna toh hing guoljawl taken!.

9th Mission Conference
ZOU PRESBYTERIAN CHURCH SYNOD

Amun : Presbyterian Church, Zomi Colony

Ahun : February 10-13, 2015

Thupi : Koi ka sawl diei? (Isaiah 6:8)

Focus on: Missing Tribes, Assam
Meitei (Mangjing Mission Field)
Nepali (Paspoti Mission Field)

Guoljawlna tang ding in hing pang in

HUN ZAH DAN ENPHA KIA VAI

- Kamgenpau
Business Manager

La phuoh tu in, “Hun leh kumte hing kihei zel a, a chi bangin, anai kalsim, anisim, aha sim, akum sim in, ngah neilou in, hatkia thei ding zong hilou in, ang muolliem san zungzung hi. I dam kumte hing tom hieihiei in, chitna leh chitlouna nei kawm kawm in kumtha chibai chiin imaituo ding uhi. Mitamtahin kipahna, vangbuohna tang kawm in, kumtha i maituo dingua, mitampi in vangsietna leh guollelna toh imaituo ding uhi. Tuabang dinmun hinkhuo a i um lai un, kumtha/huntha ah vangbuohna atangte leh vangsietna tangte in zong kitung ding tha kia dinga atam zaw tang ding leh bawlkhiel/sepkhieina te apat ding khe kia dingin kumtha mai tuo dingin, kinepna, lametna, lunggulna lienpitoh i kinem mama ding uhi. Tuabang tan na dingin ‘hun mansiem’ apomaw pen dingin a gintat huoi pen hi.

Hun man siem ding dan tamlou gen le hang uthuoi isa hi. Hun kichi aneitu koi hiding e? Koi bawl ahiei chite khu dohna poimaw mama ahi. Chambers 21st Century Dictionary in agendan in mitphietkal, naikal, nite, haate, kumte akizom zinzen a peitou a chi hi.

Thugenpa 3:1 “Sil chinteng a dingin, hunkhat aum chiet hi. Vannuoi a siltup chinteng dingin, hunkhat a um chiet hi” bangteng in hun setuom anei chiet chi isim suhsuh leh agen hi. Ephesate

5:16. Nite ahoilou ziehin, na hun nei sun uh zang hoi un achi hi. Bible tangte apatin hun neitu leh bawltu ithei hi. Tuaziehin hun bawltupa leh hun neitupa deibang a ihunte uh zah khu vangbuohna hingei ding hi. Tualeh, ihun zah dante uh enpha kia lehang, bang chiin izang a, kisiemphatna ding um ngei dingin a gintat huoi hi.

Hun a dihtatna:

Siemchilbu 15:12-16 isim chieng in hun a dihtat zoulou, Abraham, maitam chinzawlouna in ahaleh suon kum zali suoh leh sal a a

lamkhai a tomnou kibaang in siingju lein inn lam hing kidel ta hi. Nitahlam 5pm velin Tunnu Limbel, Zomi Colony, vengsung hing kitung kia ta hi. Keiman Pasian kungah nuomthu genna ka nei hi. Dam a inn hing tung sah Mangpa i phat uhi! Tutung anopna diah ahileh ann ding kipuoin amun ah gilvatah in eima kipuohsa ann kine hi. Gilva sa'n kivaah a koima gilkiel ki um lou hi. Tam excursion a dingin

Pa Rajen(Mangjing) in a Bus hing tuohin, Upa Jamgenthang (Saiboh hausapu)in Rs 500 leh Upa Jamsienmung(Head clerk, Zou Synod) in Rs 200 tuoh uhi. ZPWF lamkaite leh Senior Executive Secretary Rev Tualzachin I/C te'n ang phalsahna tungah nuomthu ka gen hi. Excursion lawchingtaha hing pei sahtu Mangpa'n naupang khotuo siemte zong guolzawl in thupina Ama'n tang ta hen!



Tunnu Limbel Excursion

Sil pieh

(Jacob 2:14)

- Upa Chinsuanthang
Chairman
Lamka District, MGP

Pasian mapuina leh venna zal in kum 2014 mang zou in kum tha 2015 vaidon thei in i umta ua, lungdam huoi isa a Pasian phat in pahtoina ipe masa hi. Michin in Pasian gam nasepna te uh (result) ahing suo zel ta hi.

Awle tuni in lamdang leh achijat huoi pipi ahing umkia zel ta hi. PCI danbu te ah Upa te (elders) chih te Hattuom neitu te ahi uh hinapi in i sawm-a-khat pieh dan i et leh ei Upa te pen zui ta leh lamkai et a et thei ding in i um sih uhi. Sawm-a-khat pelou pi in mipiehsa tung a thunei pen hi i ut tamai ua zum huoi ahidan thei lei hoi va. Michin sum muhdan akibang lou ding ma ahi. Hinan leh kikem adjust bawl thei khat a um a example X in halo Pay 30000 ha 12 asang a a sawm-a-khat kum 1 Rs. 2000/- Y in 20,000/- asang a kum khat a sawm-a-khat 700/800 apie pen ahi ding mah ahi na diei sawm-a-khat 100% adih kim ding i chithei sih a hinanleh akilom dom khat

a um hi. Sawm-a-khat hilou in ngaptoah ahi. Nill umlou na ding fill-up maimai ahi ngaptoah pie list khat siemjel dingin ahoi hi.

Tulai in silpieh lam ah Upate a pension hitava chih bang ahing ngaituoh sah jel hi. Synod lamkaite Presbytery lamkaite district lamkaite ki entha chiet va ui. Session leh Committee chiengin i thu gen leh ivaihawm na ah ikipieh na toh kituoh in ham thei talei ut huoi e maw izum mawh thei dan uh. Lamkai dinmun hiel a ium chieng in kisuon lah dan thei vau. Mipite ipuikhiel sieng tahi. I minam leh eima tunga Pasian thangpaina ahing tun masang kisiem tha va ui.

Michin sum muna akibang sih a hinanleh anasep leh adin mun toh kituoh a um hi. Tuoleh tulai khovel ah kum khat sung sum mulou chijong aum ngai sih hi louhou miten buh leh baal a um ding akiloh ten jong nikhotha amu uhi. Sawm-a-khat pie dan michin in ama mudan toh kiguol/ kimilthei/kilom khat aum chiet ding hi.

Belampute leh Belamte koipen e lamkai hijaw lamkai chinglou ihita uhi. Bangchin ipawlp iiminam akhang in Pasian thupha guoljawnla itang thei diei Israel mipite in kituoh tahin Jerikou kulh aluh ua gaal azou ua, hinanleh Aikoniem nou lepchie na leh guhtatna zie in alal uhi. Hattuum

leh chi leh nam khanmawh boh isuota uhi kigelpa va ui. Tuaban ah tuban lam ah semtute sawm-a-khat kikat pen jong list ah tahlat hizel taleh hoiva kachi hi azieh pen Upa khenkhat in sil peidan theisiemlou in kisiel nan anei zel uhi. Khenkhat sawm-a-khat e ngaptawh e ka theithei sih hi.

TE/DA Bill dan neu khat genkia lei Upa khenkhat ni2 lutna, ni 3/ ni 4 bil ahisih leh Bahara ichipen uh Behiang, Moreh, Sugnu, Singngat, Aina chite agamla pawl ahi a khumte teng zong Bahara thei chiet uhi. Sum tawm nounou pou in Pasian masang zuau gen sih vai. Dihtatna in nam atawisang a lepchie/zuau na khu nam nuoikiehna vot ahi hi.

Theisahna

11th ZPCS Session thuphasa bang in tu kum 2015 apat Khristian Tangkou lahman kum khat ah ` 100/- (Rupees one hundred) ding ahita chi Hattuum chin i kitheisah uhi.

TUNNULIIMBELEXCURSION

-Rev Jonathan Nehlien (*Leader*)

Mangpa panpina toh apeisa Dec.10,'14(Wed)in Tunnu Liimbel (orphanage home)te excursion uhi. **Excursion peina munte:-**

1. Selloi Langmai Ecological Park(Laphupokpi)
2. Imphal War Cemetery
3. Manipur State Museum
4. Khwairambandh Ima Keithel
5. Bir Tikendrajit Park
6. Pologround
7. Moirang Sendra Loktak Boating
8. Moirang Bazaar, tamteng ahi.

Naupangte excursion pei ding chi a theiphet un December 9,2014(tue) in kisapan ta uhi. Tuachin peini ding jingkal 6am in Tunnu Liimbel Zomi Colony ah kisutuoin, kipat kuon 6.30am in Pastornu Dimkhochiin, ZPWF Secy leh Tunnu Limbel Warden in thumna nei hi. Imphal 8am velin kitung hi. Tuana pat Andro parking lam kitai in ECO Park 9am in kitung hi. Gilkielta ahiman in jing ann kinein anneh zaw in park sung kilut ngal hi. Tuanah kimawlna tuomtuom te ah kimawl in koima nuom salou umlou hi. Hun chimtaha zahnuoin thumna Tv. Inderjit in nei in hing kipawt ta hi. Kang pawt uleh school naupang

nungah 1 leh tangval 1 uniform toh “chance” mu dingin hing pei ua ticket ava lah sawm uleh thuneituten phallouin maizum tah in kinuole uhi. School kailoua lampiel uh hi dingin gintat huoi hi. Thuneitute strict mama mai uhi. Imphal manawin kang tai ua, Leitung kidoupi Nina laia shite haan War Cemetery ka va en uhi. Tuachin State museum leh Khwairamband Bazar sung lut in Bir Tikendrajit Park Leh Polo Ground zong kien in Tedim road tawn in kang tai ua Moirang a Loktak tuikaangpi tungah long in ka va kitawl uhi. Tuazou in Moirang bazar a INA War Museum kien in Moirang bazar ah singpi kidawn in Moirang